

石室秘錄卷之三 目錄

卷三 射集

王治

飲食難道  
內傷諸症

霸治

大渴 大吐 大瀉  
大滿 發背癰腫

倒治

肝葉倒轉 狂言見鬼  
墮水淹死

縛治

肺癰開刀 欠伸  
兩手不能下

肥治

氣虛多痰

瘦治

瘦人多火

摩治

手足疼痛 臟腑癥結  
頭項強直 口眼歪斜

浴治

治疥 止手汗  
治癩頭

達治

火丹砂疹

發治

疏通肝邪

奪治

水腫腹脹跗腫

深治

病人膏肓  
骨髓腦中

淺治

細小疾病

長治

痠症 腰痛 背脊骨痛 兩腿酸痛  
勞肉扳睛 瘕病

短治

陽明口渴用石膏湯 四逆湯  
附子理中湯 大承氣湯

日治

日間發寒熱

夜治

夜發寒熱

氣治

血治

治血宜順性

臟治

肺脾同治 腎肝同治  
心腎同治 肺經獨治

腑治

小便閉寒 大便閉結  
治膽怯 腎虛吐嘔

常治

頭痛 目痛

變治

傷寒變結胸 瘧變下痢 反胃變噎膈  
中風變狂 中暑變亡陽

初治

傷風初治 傷寒初治 傷暑初治  
傷濕初治 燥病初治 火病初治

終治

傷寒調理 中暑調理 中風調理  
火症調理 燥症善後 中濕調理

端治

直中陰寒 中暑

分治

便血與溺血分治 腰痛與頭痛分治 遺精與健忘分治  
吞酸與泄瀉分治 中氣與中痰分治

同治

四物 逍遙 六君 歸脾 以柴胡 參蘇  
補中益氣 四君子諸湯如減法

異治

中濕 中暑  
傷寒

勞治

久坐 久臥

逸治

過勞 治氣勞  
治血勞

吸治

胞上升 頭痛 腸下  
瘡毒初起

引治

虛火沸騰 厥逆

單治

諸痛治肝 吐瀉  
各症治胃

雙治

心痛治肝 胃吐治脾  
肺嗽治胃

立治

厥症 腰痛

卧治

痛風 風懿 風痹  
瘕癥 痙症

饑治

傷寒 虫痛  
霍亂

石室秘錄卷之三

射集

山陰陳士鐸遠公甫敬習

義烏

金以謀孝世甫訂定  
李祖詠子永甫泰放

王治法

論飲食難消內傷諸症

天師曰王治者不可以伯道治之。而用王道治法為必全而尊尚之也。如人病已將愈，不過飲食難消，胸膈不快，或吐酸或溏泄，或夜臥不寧，或日間潮熱，俱宜上道治之，而不可以偏師取勝。方用人參一錢，茯苓二錢，白朮二錢，甘草五分，陳皮五分，半夏七分。此六君子湯也。最妙者有熱加黃芩三分，夜不睡加黃連五分，肉桂五分，潮熱加柴胡一錢，地骨皮三錢，丹皮一錢。有食覺胸中少痛

加枳殼五分山查十粒有痰加白芥子一錢咳嗽加桔梗一錢下  
泄水加車前一錢腹中痛加肉桂五分白芍一錢頭暈加蔓荊子  
一錢川芎一錢上吐酸水加白芍三錢倍加茯苓飽滿加枳殼五  
分所謂王道蕩蕩看之平常用之奇妙日計不足歲計有餘何必  
用參至兩計加桂附以出奇哉此王道之法也

張公曰 天師用藥多向霸法此偏以王道出奇真不可測也  
言醫者細心觀之勿以 天師皆用霸術而羣以霸道闕可置  
王道於不用又非 天師之心并失遠公之求矣。

華君曰未嘗傳予

霸治法

論大渴大吐大瀉大滿發背癰腫

天師曰霸治者不可用王道不得已而霸者也如人病至危安可仍用六君子輩迂緩從事以圖速功哉勢必如宋襄之速亡而已故一遇大渴大吐大瀉大滿發背癰腫之類死亡頃刻若不用大劑去毒去邪之藥單刀直進催蕩逐除而欲尙補正則邪自散之論未有不一敗塗地而不可救者也故必須大劑與之為得大吐方此寒邪直入腎宮將脾胃之水挾之盡出手足厥逆少腹痛不可忍以火熱之物熨之少快否則寒冷欲死方用附子一箇白朮四兩肉桂一錢乾姜三錢人參三兩救之下喉便覺吐定再進則安然如故益腎水養人何能尅心以殺人惟陰寒邪氣直入腎宮

定吐至神丹

雷公曰

方中失

人參三

兩大吐

大邪而

吐者飲

之水則  
呃逆不  
正與之  
本則吐  
食亦不  
吐有吐  
至三三  
口不已  
者方則  
人參一  
兩炒梔  
子三錢  
黃連三  
錢各為  
末水糲  
水調服  
少少服  
之若吐  
再服少  
少即不

則腎火逃避而諸邪挾眾逆犯心君不寧矣所以必用附子肉桂  
乾薑一派辛辣大熱之物而又必用人參以定變使諸藥遍列  
分布無非春溫之氣自然寒邪散而吐止此方之所以霸而奇也  
○大瀉者乃火挾邪勢將膀胱脾中水穀盡驅而出必欲無留一  
絲而後快腹必大痛手不可按完穀不化飲食下喉即出捷如奔  
馬若稍稍遲延必死亡頃刻蓋其病得之夏秋之暑熱一遇涼風  
便起波濤乘風拍浪蕩日掀天直趨海口而下若不急用大劑治  
之而尚王道之遲遲鮮不敗乃事矣方當用大黃一兩人參二兩  
黃連五錢車前子五錢甘草一錢水煎服此方之奇全在用大黃  
既已火瀉何反助其威不知火瀉之症乃火留於腸胃之間若不



吐矣此  
方名止  
吐泄火  
丹蓋吐  
則未有  
不胃氣  
傷者也  
以人參  
救胃氣

因勢利導則火不去而水不流故必用大黃以利之也然徒用大  
昔而不多用人參有攻無補反致損傷真氣矣至方中又如甘草  
者恐大黃過於猛迅用此緩之也更用車前者分消其水勢也水  
不入於膀胱則大腸增勢而滲流今得車前自然引水歸於故道  
又何至陸地爲水鄉哉此又用霸之妙法也○大滿之症此邪壅  
住上焦而不得散也方用枳殼三錢梔子三錢瓜蒌一箇天花粉  
三錢甘草一錢陳皮三錢厚朴一錢五分半夏一錢水煎服此方  
之妙全在瓜蒌蓋瓜蒌最能去胸膈之食而消止焦之痰况又佐  
之枳殼天花同是消中焦之勝藥又有厚朴半夏以逐其胃口之  
痰尤妙用甘草使羣藥留中而不速下則邪氣不能久留自然分

散而潛消矣此又用霸之妙法也○大渴之症前已備載茲不再談○發昔前已定方立論俱可通觀亦不再悉

張公曰竒談暢論霸道之說無不入神入妙又何能贊一說惟

大瀉之症不可不辨大瀉有火瀉有寒瀉 天師之言乃火瀉

也未言寒瀉予補之寒瀉之症以一日或數十行數百行腹亦

有痛者以完穀不化下喉卽出亦死亡頃刻亦多在夏秋之間

然則將何以辨之予辨之熱與痛耳火熱者口必渴舌必燥甚

則生刺也胎必黃灰黑色腹必痛而手不可按若寒瀉之者口

不渴卽渴亦不十分喜飲水舌胎必白滑而不燥腹痛喜手按

不按卽苦是也然則治之法豈可相同哉法當急用補氣之藥

以生其胃氣佐以分消之品方用人參一兩白朮三兩附子一錢茯苓一兩澤瀉三錢猪苓三錢肉桂二錢水煎服此方即五苓散加人參者也妙在加參至一兩有參始能挽回垂絕之地佐白朮茯苓以去水濕之氣而又有附子肉桂以補命門之火使火熱以生脾土而膀胱氣化水道可通於故轍况又有猪苓澤瀉以分消其水勢乎自然大便實而寒邪去也此霸治之不可不知者又一也其餘 天師已言之盡矣不再贅

華君曰與予同傳

大瀉方借治火痢甚妙

李子永識

倒治法

論肝葉倒轉

論狂言見鬼

論墮水淹死

雷公曰  
如人視  
正為斜  
視斜為  
正亦以  
此法治  
之愈

天師曰倒治者乃不可順因而倒轉治之也如人病傷筋力將肝  
葉倒轉視各物倒置人又無病用諸藥罔效必須將人倒懸之一  
人手執木棍劈頭打去不必十分用力輕輕打之然不可先與之  
言必須動其怒氣使肝葉開張而後擊之彼必婉轉相避者數次  
則肝葉依然相順矣更有一法以黃酒一壺令病人飲之大醉以  
竹轆擡之故意跌翻亦必愈也更有痰結在胃中不能吐出狂言  
如見鬼狀時發時止氣塞胸膈以牛肉五斤水二斗煎渴飲之至  
不可食而止以鵝翎探吐必大吐必吐至如塊黃色頑痰而後止  
若不吐出再飲之必以吐盡而止前病頓失後以陳皮茯苓甘草

白水湯徐徐飲之平復如故此倒治之法也

張公曰好倒治無可言

華君曰同然子尙有一法未傳如人墮水而死令一人將死人雙足反背在肩上行二里許必然口中倒出水來然後放在灰內少日任其不動然後以生半夏丸納鼻孔中倘冬天則不能救其夏秋之間無不活者必然打嚏而甦急以人參三錢茯苓一兩白朮五錢薏仁五錢車前五錢肉桂一錢煎湯半盞灌之無不生全也

縛治法

論肺癰開刀

論欠伸兩手不能下

天師口縛治者乃肺中生癰必須開刀有不可內消者必其人  
守禁忌犯色而變者也毒結成於肺葉之下吐痰卽痛欲死手按  
痛處亦痛欲死此等肺癰必須開刀將病人用綿絲繩縛在柱上  
必須牢緊妥當不可使病人知手執二寸之刀令一人以涼水急  
澆其頭面乘病人驚呼之際看定痛處以刀刺八一分必有膿射  
出如注乃解其縛任其流膿流血不可以藥敷之後以前膏藥貼  
之不可遽入生肌散三日後加之可也此縛治之法也 問服煎  
藥否 天師曰方用金銀花一兩元參五錢人參三錢甘草三錢  
足矣可用四劑不必再用 肝癰不可刺

張公曰縛治法極亦無可言

華君曰同然予尙有一症凡人有伸欠而兩手不能下者將人  
抱佳縛在柱上又把木棒打去病人自然把手來遮隔而兩看  
自下矣下後用當歸一錢川芎五錢紅花五分生地五錢桃仁  
五個甘草一錢大黃一錢丹皮二錢水煎服二貼全愈此有婦  
人而得此症者亦縛在柱上令一人解其下衣而彼怕羞自然  
以兩手來遮隔亦一時手下亦以前湯與之可愈也

### 肥治法

論氣虛多痰

天師曰肥治者治肥人之病也肥人多痰乃氣虛也虛則氣不能  
運行故痰生之則治痰焉可懂治痰哉必須補其氣而後帶消其

培丹  
火土兩

痰為得耳然而氣之補法又不可純補脾胃之士而當兼補其命門之火蓋火能生土而土自生氣氣足而痰自消不治痰正所以治痰也方用人參三兩白朮五兩茯苓二兩薏仁五兩芡實五兩熟地八兩山茱萸四兩北五味一兩杜仲三兩肉桂二兩砂仁五錢益智仁一兩白芥子三兩橘紅一兩各為末蜜為丸每日白滾水送下五錢此方之佳全在肉桂之妙妙在補命門心包之火心包之火足自能開胃以去痰命門之火足始能健脾以去濕况方中純是補心補腎之味肉桂於補藥之中行其地天之泰水自歸經痰從何積此肥人之治法有如此

張公曰妙肥人治法不過如此無可再言此乃丸藥方也若有



補氣  
疾飲

人不肯服力藥當用煎方予定一方用人參三錢白朮五錢  
荅三錢熟地一兩山茱萸四錢肉桂一錢砂仁一錢益智仁一  
錢半夏一錢陳皮五分神麩一錢水煎服此方治氣虛而兼補  
腎水腎火者也腎中水火足而脾胃之氣自健痰亦漸消矣此  
方肥人可常用也

華君曰同

瘦治法

論瘦人多火

天師曰瘦人多火人盡知之然而火之有餘水之不足也不補水  
以鎮陽光又安能去火而消其烈焰哉方用熟地三兩元參八兩